
ИСРОИЛДА ПРЕЗИДЕНТ МУРОЖААТИНИ ТИНГЛАДИЛАР

Ўзбекистон Республикаси Президентининг Олий Мажлисга Мурожаатномаси Исроилда яшайдиган аслида Ўзбекистонда туғилиб ўсган собиқ ҳамюртларимизда ҳам катта қизиқиш уйғотди. Улар Ўзбекистоннинг Исроилдаги элчихонаси, “Дўстлик” уйи, миллатлар саройи ва қизиқиш клубларида уюшган ҳолда интернет орқали Ўзбекистон Президентининг Олий Мажлисга Мурожаатномасини тинглаб томоша қилдилар.

- Биз Ўзбекистонда рўй бераётган иқтисодий ва сиёсий ўзгаришларни эътибор билан кузатиб бормоқдамиз, - дейди Наргиза Қодирова. - Бунинг билан ҳам бирга туғилиб ўсган она шаҳрим Фарғонага борганимда ўз кўзим билан кўрдим. Ўзбекистонда инвесторлар учун барча шароитлар яратилибди. Менинг дўстларим эртанги кунларига ишонч билан қарамоқдалар. Президентнинг Парламентга Мурожаатида қўйилган вазифалар Ўзбекистон нуфузини жаҳон ҳамжамиятида янада юқорига кўтариши шубҳасиздир. Ўзбекистон ва ўзбек халқига тинчлик ва фаровонлик тилайман.

2020-01-25 18:34:22